

山西通志卷第二百二十三

山西巡撫都察院右副都御史臣覺羅石麟奉

旨修輯

藝文

四十 詩三

五律

陳

并州羊腸坂

江總

三春別帝鄉五月度羊腸
本畏車輪折翻嗟馬骨傷
驚風起朔鴈落照盡胡桑
關山定何許徒御慘悲涼

北齊

從周入齊夜度砥柱

顏之推

俠客重艱辛夜出小平津
馬色逃關吏雞鳴起戍人
露鮮華

劍彩月照寶刀新問我將何去北海就孫賓

奉和詠龍門桃花

蕭 慤

舊聞開露井今見植龍門樹少知非塞花高異少源論時應未發故欲影歸軒祇言經摘罷猶勝逐風翻

北周

反命河朔始入武州

庾 信

輕車初逐李定遠未隨班受詔祈連反申威疎勒還飛蓬損腰帶秋鬟落容顏寄言舊相識知余生入關

衛王贈桑落酒奉答

愁人坐狹斜喜得送流霞
跂窓催酒熟停盃待菊花
霜風亂飄葉寒水細澄沙
高陽今日晚應有接離斜

就蒲州使君乞酒

蕭瑟風聲慘蒼茫雪貌愁鳥寒栖不定池凝聚未流蒲城桑
葉落灞岸菊花秋願持河朔飲分勸東陵侯

蒲州刺史中山公許乞酒一車未送

細柳望蒲臺長河始一迴秋桑幾過落春蟻未曾開瑩角非
難馭搥輪稍可催只言千日飲舊逐中山來

送別裴儀同

王褒

河橋望行旅長亭送故人沙飛似軍幕蓬卷若車輪邊衣苦
霜雪愁貌損風塵行路皆兄弟千里念相親

隋

奉和幸太原顰上作應詔

虞茂

唐巡光帝則夏務穆宸儀珠旗揚翼鳳玉獸儼丹螭流吹和

春鳥交弄拂花枝

闕二

從駕天池應詔

薛道衡

上聖家寰宇威略振邊陲八維窮眺覽千里曳旌旗駕黿臨
碧海控驥踐瑤池曲浦騰烟霧深浪駭鯨螭

唐

題回鑾寺

太宗

回鑾游福地極目玩芳晨寶刹遙承露天花近足春梵鐘交
二響法日轉雙輪寂爾真仙境超然離俗塵

詠興國寺佛殿前幃

拂霞疑電落騰虛狀寫虹屈伸煙霧裏低舉白雲中紛披乍
依迥掣曳或隨風念茲輕薄質無翅強搖空

九月九日贈崔使君善爲

王績

野人逃節候端坐隔塵埃忽見黃花吐方知素節回映岩千

段發臨浦萬株開香氣徒盈把無人送酒來

嵐州作

杜審言

北地春光晚邊城氣候寒往來花不發新舊雪仍殘水作寒
中聽山疑畫裏看自驚牽遠役艱險促征鞍

餞潞州陸長史再守汾州

蘇頌

河尹政成期爲汾昔所推不榮三入地還美再臨時擁傳雲
初合聞鶯日正遲道旁多出餞別有吏民思

巡邊在河北作

張說

撫劍空餘勇彎弧遂無力老去事如何據鞍長歎息故交索
將盡後進稀相識獨憐半死心尚有寒松直

送崔二長史日知赴潞州

東山懷臥理南省悵悲翁共見前途促何知後會同莫輕一

筵宴明日半成空况爾新離闕思歸迷夢中

送張道士歸山

王維

先生何處去王屋訪茅君別婦留丹訣驅雞入白雲人間若
無住天上復離羣當作遼城鶴仙歌使爾聞

登平陸城樓

井邑傳岩上客亭雲霧間高城眺落日極浦映蒼山岸火孤
舟宿漁家夕鳥還寂寥天地暮心與廣川閒

故西河郡杜太守輓歌三首

天上去西征雲中護北平生擒白馬將連破黑鵬營忽見芻
靈苦徒聞竹使榮空流左氏傳誰繼卜商名

返葬金符守同歸石窹妻卷衣悲畫翟持矧待鳴雞容衛都
人慘山川駟馬嘶猶聞隴上客相對哭征西

塗芻去國門祕器出東園太守留金印夫人罷錦軒旌旗轉
衰木簫鼓上寒原墳樹應西廡長思魏闕恩

送趙都督赴代州

天官動將星漢地柳條青萬里鳴刁斗三軍出井陘忘身饑
鳳闕報國取龍庭豈學書生輩憲間著一經

和金吾裴將軍使往河北宣慰因訪張氏昆季舊居兼
寄趙侍郎趙卿拜陵未迴

飛軒不駐輪感激漢儒臣氣懾千夫勇恩傳萬里春古原收
野燎寒笛怨空鄰書此達良友五陵風雨頻

題遠公經臺

祖詠

蘭若無人到真僧出復稀苔侵行道席雲濕坐禪衣澗鼠終
香案山蟬噪竹扉世間長不見寧止暫忘歸

送單于裴都護赴西河

崔顥

征馬去翩翩城秋月正圓單于莫近塞都護欲臨邊漢驛通
煙火胡沙乏井泉功成須獻捷未必去經年

潞府客亭寄崔鳳童

王昌齡

蕭條郡城閉旅館空寒烟秋月對愁客山鐘搖暮天新知偶
相訪斗酒情依然一宿阻長會清風徒滿川

駕幸河東

晉水千廬合汾橋萬國從開唐天業盛入沛聖恩濃下輦迴
三象題碑任六龍睿明懸日月千歲此時逢

送裴二十

劉長卿

多病長無事開筵暫送君正愁帆帶雨莫望水連雲客思閑
偏極川程遠更分不須論早晚惆悵又離羣

送薛承矩秩滿北遊

匹馬向何處北遊殊未還寒雲帶飛雪日暮鴈門關一路傍汾水數州看晉山知君喜初服祇愛此身閑

送人之嵐州

李白

塞虜乘秋下天兵出漢家將軍分虎竹戰士臥龍沙邊月隨弓影胡霜拂劍花玉關殊未入少婦莫長嗟

送汾城王主簿

韋應物

少年初帶印汾上又經過芳草歸時徧情人故郡多禁鐘春雨細宮樹野煙和相望東橋別微風起夕波

送姚孫還河中

上國旅遊罷故園生事微風塵滿路起行人何處歸留思芳樹飲昔別暮春暉幾日投關郡河山對掩扉

送劉鄖將歸河東

岑參

借問虎賁將從軍凡幾年殺人寶刀缺走馬貂裘穿山雨醒
別酒關雲迎渡船謝君賢主將豈忘輪臺邊

題永樂韋少府廳壁

大河南郭外終日氣昏昏白鳥下公府青山當縣門故人是
邑尉過客駐征軒不憚煙波闊思君一笑言

過宋員外之問舊莊

杜甫

宋公舊池館零落首陽阿枉道祇從入吟詩許更過淹留問
耆老寂莫向山河更識將軍樹悲風日暮多

巫山縣汾州唐使君十八弟宴別兼諸公攜酒樂相送
率題小詩留於屋壁

臥病巴東久今年強作歸故人猶遠謫茲日倍多違接宴身

兼杖聽歌淚滿衣諸公不相棄擁別惜光輝

送大德講時河東徐明府招

郎士元

遠近作人天王城指日邊宰君迎說法童子伴隨緣到處花
爲雨行時杖出泉今宵松月下開閣想安禪

裴廸南門秋夜對月

錢起

夜來詩酒興月滿謝公樓影閉重門靜寒生獨樹秋鵲驚隨
葉散螢遠入烟流今夕遙天末清光幾處愁

與永樂諸公夜泛黃河

閻防

烟深載酒入但覺暮川虛映水見山火鳴榔聞夜漁愛茲山
水趣忽與人世疎無暇燃官燭中流有望舒

題童子寺

耿緯

半偈留何處全身棄此中雨餘沙塔壞月滿雪山空聳刹臨

山西通志 卷二百二十三
六
回磴朱樓間碧叢朝朝日將暮長對晉陽宮

送絳州郭參軍

遠事諸侯出青山古晉城連行麴水關獨入譏中兵夜雨新
田濕春風曙角鳴人傳公府政記室有參卿

留別解縣韓明府

閑人州縣厭賤士友朋譏朔雪逢初下秦關獨暮歸寒茅下
原淺殘雪過風微一路何相慰唯君能政稀

東郊別業

東臯占薄田耕種過餘年護藥栽山刺澆蔬引竹泉晚雷期
稔歲重霧報晴天若問幽人意思齊沮溺賢

登鸛雀樓

久客心常醉高樓日漸低黃河經海內華嶽鎮關西去遠千

帆小來遲獨鳥迷終年不得意空覺賁東溪

送河中張胄曹往太原計會迴

北風長至遠四牡向幽并衰木新田路寒蕪故絳城遙聽邊
上信遠計朔南程料變當臨事遙知外國情

太原送許侍御出幕歸東都

昔隨劉越石今日獨歸時汾水風烟洽并州花木遲荒庭增
別夢野雨失行期莫向山陽過鄰人夜笛悲

送王端公之太原歸觀相公

戎昱

柱史今何適西行詠陟岡也知人惜別終美鴈成行春雨桃
花靜離尊竹葉香到時丞相閣應喜棣華芳

太原送穆質南遊

竇庠

今朝天景清秋入晉陽城霞葉離披處風蟬三數聲那言苦

山西通志 卷二十三
行役值此遠徂征莫話心中事相看氣不平

別張賈

韋夏卿

束簡下高閣買符驅短轅故人惜分袂結念醉芳樽切切別
思纏蕭蕭征騎煩臨歸無限意相視却忘言

送絳州郭參軍

盧綸

炎天故絳路千里麥花香董澤雷聲發汾橋水氣涼府趨隨
宓賤野宴接王祥送客今何幸經宵醉玉堂

送郭判官赴振武

黃河九曲流繚繞古邊州鳴鴈飛初夜羌胡正晚秋淒涼金
管思迢遞玉人愁七葉推多慶須懷殺敵憂

送趙真長歸夏縣舊山依陽徵君讀書

臨杯忽泣然非是惡離弦塵陌望松雪我衰君少年幽僧曝

山果寒鹿守冰泉感物如有待况依回也賢

奉陪侍中登白樓

高樓倚玉梯朱檻與雲齊顧盼親霄漢談諧息鼓鼙
更直野雨急仍低今日陪尊俎唯當醉似泥

九日奉陪侍中宴白樓

露白菊氛氲西樓盛襲文玉筵秋令節金鉞漢元勲
說劍風生座抽琴鶴遶雲謏儒無以荅願得備前軍

九日奉陪侍中宴後亭

玉壺傾菊酒一顧得淹留彩筆徵枚叟花筵舞莫愁
管弦能駐景松桂不傳秋爲謝蓬蒿輩如何霜霰稠

九日奉陪令公登白樓同詠菊

瓊尊猶有菊可以獻留侯願比三花秀非同百卉秋
金英分

山西通志
卷二十三
藥細玉露結房稠黃雀知恩在銜飛亦上樓

寄贈暢當山居

古村荒石路歲晏獨言歸山雪厚三尺社榆籠十圍虬龍寧
守蟄鸞鶴豈矜飛君子固安分毋聽勞者譏

秋夜同暢當宿潭上西亭

圓月出山頭七賢林下游稍稍寒葉墜濫濫月波流鳬鵠共
思曉菰蒲相與秋明當此中別一爲望汀洲

同薛存誠登棲巖寺

衰蹇步難前上山如上天塵泥來自晚猿鶴到何先萬壑應
孤磬百花通一泉蒼蒼此明月下界正沈眠

遊棲巖寺

李益

晚上曇延洞通宵興莫窮高明千嶂月清爽一巖風坐久衣

移潤吟餘物象空舉頭星可摘疑在廣寒宮

送柳判官赴振武

邊庭漢儀重旌甲似雲中虜地山川壯單于鼓角雄關寒塞
榆落月白胡天風君逐嫖姚將麒麟有戰功

將之澤潞留別王郎中

李端

弱年知己少前路主人稀貧病期相惜艱難又憶歸事成應
未身賤又無機幸到龍門下須因羽翼飛

送張少府赴夏縣

雖爲州縣職還欲抱琴過樹古聞風早山枯見雪多雞聲連
絳市馬色傍黃河太守新臨郡還逢五袴歌

靈泉

碧水映丹霞濺濺度淺沙暗通山下草流出洞中花素色和